

四庫全書

史部

欽定四庫全書

史部

欽定歷代職官表

上諭

御製詩

目錄

中書_臣李采覆勘

纂修兼校勘宗人府主事_臣鮑之鍾

謄錄拔貢生_臣葉汝蘭

上諭

乾隆四十五年九月十七日奉

上諭國初設官分職不殊周官法制及定鼎中原參稽
前代不繁不簡最為詳備其間因革損益名異實同
稽古唐虞建官惟百內有百揆四岳外有州牧侯伯
奮庸熙載亮采惠疇周則監于二代立三公三孤秦
漢以後為丞相為中書門下平章知政事明洪武因
胡惟庸之故改丞相為大學士其實官名雖異職守

無殊惟在人主太阿不移簡用人則雖名丞相不
過承命奉行即改稱大學士而所任非人竊弄威福
嚴嵩之流非仍名大學士者乎蓋有是君方有是臣
惟后克艱厥后庶臣克艱厥臣昔人言天下之安危
係乎宰相其言實似是而非也至六官即今之六部
周禮典制纂詳要亦本于唐虞司徒秩宗諸職外而
督撫自秦漢以來所稱守牧節度行省即唐虞十二
牧之遺厯朝改革建置紛如難以勝數我國家文武

內外官職品級載在大清會典本自秩然至于援古
証今今之某官即前某代某官又或古有今無或古
無今有允宜勒定成書昭垂永久俾覽者一目了然
現在編列四庫全書遺文畢集著即派總纂總校之
紀昀陸錫熊陸費墀孫士毅等悉心校覈將本朝文
武內外官職階級與歷代沿襲異同之處詳稽正史
博參羣籍分晰序說簡明精審毋冗毋遺其議政大
臣領侍衛內大臣八旗都統護軍統領健銳火器營

內務府並駐防將軍及新疆增置各官亦一體詳晰
考証分門別類纂成歷代職官表一書由總裁覆核
陸續進呈候朕閱定書成後即以此旨冠于卷首不
必請序列入四庫全書刊布頒行以昭中外一統古
今美備之盛因首論丞相一官餘可類推覽是編者
其各顧名思義凜然于天工人代兢兢業業夙夜靖
共以庶幾克艱無曠之義欽哉特諭欽此

乾隆四十八年十月初二日奉

上諭朕閱館臣所進職官表志詹事府一門其按語內
稱詹事為東宮官屬我國家萬年垂統家法相承不
事建儲冊立詹事府各員留以備詞臣遷轉之階等
語是書館臣因朕前降諭旨于建儲一事之斷不可
行明切訓示故據按語內特為揭出其實書生拘迂
之見豈能深計及此且使是書留傳後世安知不又
訾議館臣為無奈迎合諭旨非其本懷耶用是不得
不再為明白宣諭夫克授舜舜授禹唐虞固公天下

即禹之傳啟亦非予在位時有建立太子之事三代以後人心不古秦漢預立太子其後爭奪廢立禍亂相尋不可枚舉遠而唐高祖立建成為太子至於兄弟相殘建成被害近而明神宗朝羣臣奏請預立國本紛紜擾亂大率皆為後來希榮固寵之地甚至宵小乘間伺釁釀為亂階如挺擊等案神宗召見太子泣為慰藉父子之間至於如此閱之真可寒心可知建儲冊立非國家之福召亂起釁多由于此即以我

朝而論

皇祖時理密親王亦嘗立為皇太子且特選公正大臣如湯斌者為之輔導乃既立之後情性乖張即湯斌亦不能有所匡救羣小復從而蠱惑遂至屢生事端上煩

皇祖聖慮終至廢黜且即理密親王幸而無過竟承大統亦不過享國二年其長子弘皙縱欲敗度不克幹蠱年亦不永使相繼嗣立不數年間連遭變故豈我大

清宗社臣民之福乎是以

皇祖有鑒于茲自理密親王既廢不復建儲迨我

皇祖龍馭上賓傳位

皇考紹登大寶十三年勵精圖治中外肅清

皇考敬法

前徽雖不預立儲位而于宗祏大計實早為籌定雍正元

年即

親書朕名緘藏於乾清宮正大光明匾內又另書密封一

匣常以隨

身至雍正十三年八月

皇考升遐朕同爾時大臣等敬謹啟視傳位于朕之

御筆復取出內府緘合密記合對胞合人心翕然此天下

臣民所共知者也朕登極之初恪遵

家法以皇次子乃

孝賢皇后所生嫡子為人端重醇良依

皇考之例曾書其名藏於乾清宮正大光明匾額後乃稟

命不融未幾薨逝遂命大學士鄂爾泰張廷玉將其
名撤出追諡為端慧皇太子是未嘗不立嫡也但不
以明告衆耳嗣後皇七子亦

孝賢皇后所出秉質純粹深愜朕心惜不久亦即悼傷
其時朕視皇五子於諸子中覺貴重且漢文滿洲蒙
古語馬步射及算法等事並皆嫻習頗屬意於彼而
未明言乃復因病旋逝設依書生之見規仿古制繼
建元良則朕三十餘年之內國儲凡三易尚復成何

事體是以前於癸巳年復書所立皇子之名藏於匣
內常以自隨是年

南郊大祀令諸皇子在

壇襄事曾以所定皇子默禱於

上帝若所定之子克承堂構則祈

昊蒼眷佑俾得年命延長倘非

天意所屬則速奪其奠朕亦可另為選擇毋悞我國家宗

社生民重寄本年恭詣盛京祇謁

祖陵亦如告

天之言默祝於

太祖

太宗之前仰祈

靈輿式憑永垂昭鑒朕非不愛子也朕以宗社為重若朕之子孫皆以朕此心為心實大清國億萬斯年之福也今日召對諸皇子及軍機大臣面降此旨即朕前所默告

上帝

祖

宗之言豈容有絲毫虛飾耶朕於天下一切庶務無不宵
盱勤求悉心籌畫寧于繼體托付之重轉不早蒞定
計乎秋間朕於避暑山莊河岸御鎗打鵝鵲失足落
水濕衣其時不特御前王公大臣等聞知俱即趨至
問安即漢軍機大臣亦接踵前赴該處朕仍率伊等
譔笑而行並未有因內廷禁地太監等敢于阻止設

朕起居偶有違和大臣等俱可直詣寢所此皆由朕
平日君臣一體無日不接見諸臣面承諭旨何至有
若前代夜半禁中出片紙之語為杞人之憂乎總之
建儲一事即如井田封建之必不可行朕雖未有明
詔立儲而於

天

祖之前既先為齋心默告實與立儲無異但不似往代覆
轍之務虛名而受實禍耳故現在詹事官屬雖沿舊

制而其實一無職掌祇以備員為翰林陞轉之資耳
因再明切宣諭我子孫其各敬承勿替庶幾億萬年
無疆之休其在斯乎總之此事朕亦不敢必以為是
其有欲遵古禮為建立之事者朕亦不禁俟至於父
子兄弟之間猜疑漸生釀成大禍時當思朕言耳並
諭館臣將此旨冠於是編之首俾天下萬世咸知朕
意欽此

御製詩

職官表聯句

有序

惟王建國綜六典以正萬民咨汝亮功撫五辰而
凝庶績越二十二朝之損益退哉鳥火雲龍溯三
百六十之源流備矣工虞禮樂昨者書成祕閣因
四庫以考職官今當慶洽初韶宴重華而賡喜起
自漢沿秦制更張三統規模宋仿唐階參錯六朝
建置元興草創畧踵遼金明季淪胥漸渝洪永惟

治人斯有治法而守道不如守官我國家祇叙天
工肇修人紀

龍興締造首詳三院之名虎旅奮揚爰建八旗之號定
鼎而折衷百代因時有增設之員勅幾而澄叙九
流接覲無貸權之事以至祇膺列爵札薩克世奉
屏藩底定新疆衛拉特勢聯侯尉武成文守大法
小廉品秩所以釐然班聯於斯肅矣乃欲循名而
責實必先援古以證今申命儒臣博徵往蹟立表

而體兼乎志推商遷固之遺文緯史而義準諸經
斟酌虞周之舊典旁行直上勤乙覽以披函列署
分曹勵寅清而示鑑四千載目張網舉徧攬前聞
廿八人環轉珠聯合形新詠庶幾歌風解阜我君
臣相悅以同聲更期思日贊襄爾寮采協恭以將
事

御製股肱元首勗明良表撰職官勅慎詳

乾隆庚子九月
諭四庫館臣以

國家設官分職制度詳備不殊周官其間因革損益名
異實同今之某官即前代某官又或古有今無古無今

有允宜勒定成書因命將本朝文武內外官職階級與
歷代沿襲異同之處詳稽博考纂成職官表錄入四庫
全書刊布頒行以昭中外
親族猶先重堯典
宗人府即歷代之宗正寺

掌皇族屬籍以時修輯

玉牒辨序昭穆爵祿均其

惠養教令焉設官有宗令左右宗正左右宗人府丞左

右理事等官分掌其事乾隆戊戌年諭復睿親王多爾

蘇等封疏追謚襲封配享

太廟壬寅九月諭將宗

室王公子弟均照蒙古王公台吉塔布囊等子嗣之例
恩給官頂其餘閒散一概給予四品頂戴並於今歲新

正賜宴乾清宮錫賚有
差展親睦族以昭渥典

肆筵具饗邁姬章

諭言直下中書省阿柄寧移政事堂

內閣職司票本大學士以下有學士

侍讀學士侍讀典籍中書等官自明太祖罷丞相
以大學士專司票擬不遇如知制誥之翰林其後
職任漸崇閣權遂重伏讀聖諭事權輕重原
視乎人主之委任而不繫乎官職之崇卑我朝
乾綱獨攬官府肅清閣臣惟知恪奉
官常咸栢不移洵從古所未有也
六典總持歸

簡要

臣阿桂

三銓成法協平康

六部尚書侍郎以下有郎中員外郎主事

筆帖式司務等官吏部主銓叙升降凡職官有缺
依例銓選候引見欽定其大缺間列請
旨盡除明代廷推之弊至內外各官議
處降革均按例題奏請旨遵行
度支計裕

用恒節蠲賑

恩頻富倍藏

戶部平準出納以均邦賦出入有經我
朝官府歲支撙節節藏充盈乾隆初年部

庫存銀三千萬兩今且幾八千萬兩並無加增賦
稅且蒙恩普免天下地丁錢糧三次蠲免漕

糧二次其餘賑貸不下萬萬而
國用饒裕實史冊所未觀云
府庫籍收山積廣

臣三
寶泉源義取水流長
三庫主財用出入
國朝
皆專派親信大臣掌之寶

泉寶源二錢局主鼓鑄戶工二部右侍郎掌之其
三庫司官及錢局監督由各衙門保送引見

恭候
簡用
時哉損益

皇為極懋爾寅清

國有慶
禮部掌五禮凡祭祀饗朝會諸大典皆掌
之
本朝制度修明視漢唐為詳備其職尤

重
國家慶典頒著隆儀備舉無一不仰稟
睿裁準今酌古繁簡得中洵足昭
邛隆之治

依律變韶諧搏拊

樂部即周官大司樂之職我皇上審音合律訂正樂章更

製鑄鐘特磨磬定樂舞之製悉歸雅正

臣嵇璜

占風象譯會梯航

會同四譯

館乾隆年間改隸禮部以司員攝鴻臚少卿領其事益如周官象胥掌客之職

中樞莫贊

星鈐密右選欣增歲祿穰

明代以兵部為中樞機宜進退悉以委之事多掣肘我

朝命將征行皆仰稟武選之事

膚思兵部惟掌兵數及武功赫濯良由措置得宜也適年

復奉恩旨添給武職養廉將原扣名糧改補實缺各省共添兵六萬六十餘名募布星羅營制

益昭整肅止辟祥刑血園土

刑部綜司邦禁內外問刑衙門一切獄斷皆核覆

題奏務期平允秋獄大典集九卿會議屆期彙集大學士廷臣會同刑部面承旨訓詳審再三

寬嚴協中其緩決人犯間三四年復蒙恩命
減等發落矜恤之心好生之德實為起

軼前古
臣福隆安

御製
好生大德體

穹蒼共工熙績一人足掌土居民九牧倡
今之工部掌營造修防兼

有前代都水監將作大匠之二職至內外緊要工程如
壇廟城垣等工百務具舉均派親信大臣督

辦物給價工給直並無絲毫派累且
窮民得以工代賑無不踴躍子來
典屬今繁蘇武職

理藩全統衛拉
平疆我朝威德遠被蒙古王公

部均隸理藩院歲時朝覲內八宿衛扈從行圓與
內地臣僕無異是理藩院職任雖亦如周禮之大

小行人漢之典屬國而內外聯屬統馭之制
通勝前代所設堂司各員亦與六部相等
剔除

秘政清烏府

採聽芻言簡卓囊

都察院本前代御史臺以察覈官常
整飭綱紀為職我朝庶政肅清凡

言官

奏事

糾彈片言可採者無不立予准行科

道等亦不敢挾私樹黨互相攻訐前代積習為之

一給事舊仍常侍署

六科給事中本古門下省官
明代自為一署本朝雍正

初改隸都察院體統
益昭嚴肅目和紳

警巡分隸太平坊

五城御史
如唐之左

右街巡使司坊官如漢
之長安雒陽部尉也

封投閣秘懲關白緘進郵

遞核貼黃

通政使司掌進各省
車令宋之銀臺司各省

題本如漢之公
題疏由驛齎

到封送內閣皆有定期按期查核無
敢如前代之稽延抑滯高下其手者
謝集三司平

庶獄

臣永貴

品儕九寺肅羣綱

大理寺本出前代廷尉職在平反與刑部

都察院稱三法司

祠官董領歸宗伯殷禮精虔

飭奉常

太常寺掌典守社以歲時序其祭祀

壇壝

廟

禮諸官例以禮部滿尚書領之如周官宗伯典禮之制我皇上精裡專恪恭遇

廟大典躬親將事備極誠敬凡駁奔執事無不仰瞻

昨移益凜虔恭

裡恪豆遵

供

廟壝

臣梁國治地嚴

弓劍備丞郎

各祀

祀丞諸員各

壇

廟

設尉及祠祭署奉陵寢自總理事務

大臣以下有掌關防官及禮部內務府工部諸員以虔奉明禮恪供灑掃詞曹華選颺

鸞藻吉士英培翺鳳岡

翰林院典章自古稱為清華選我皇

上親幸翰林院御製詩章思加宴賚並

增葺庶常館教養樂育尤極儒臣榮遇至經

筵講官及每科教習庶吉士均

由翰林院奏請簡充

倬直螭坳垂筆橐

日講官如唐侍講宋說書起居注官即

古左右史凡恭遇大典分日侍直以翰林官

兼充

德保

御新銜芸館檢緹紉文淵閣於乾隆丙申肇建藏弄四庫全書設領閣事提舉閣事直閣

事校理檢閱等官以大學士以下館閣諸臣充之規制周詳名實益為相副居今亦備參入

掌

出

列鑒古惟懷鄭重方

詹事在歷代俱為官官元史鄧勣哲署詹事長入叅謀議

出掌環衛云云至我朝惟存為翰林陞轉之階蓋自古書生拘迂之見動以建儲為國本其實皆自為日後身

家之計無裨國是試觀漢唐建儲如漢武帝唐太宗之英明猶有戾太子及承乾之變其他難以遍舉誠以立儲之後宵小乘間伺隙釀為亂階其弊有不可勝言者我國家三朝嗣服均未明言冊立而官府肅清中

外晏如皇祖時密理親王之事仰煩聖慮亦可知建儲之斷斷不可行也朕於此往復熟籌知之甚

審我子孫當敬凜此訓奉為萬年法守也光祿減明十之九

大官視漢半而強

明代各省額解光祿寺銀米甚多令中官提督寺事片紙傳取

如數供億莫知真偽嘉靖以後歲用逾四十萬厨
役至四千餘名糜費無節諸興叢生我朝自康
熙年間定制錢糧皆歸戶部光祿以時支取厯加
搏節今每歲祇支銀二萬兩月要其數以奏較之
明代經費尚不及十分之一所設有卿少卿丞簿
等官別以大臣領之非若漢時之光祿勳兼為宿
衛之長以故官不冗而事易集品式
有定出入有經信足永昭儉德云

牧垌秋獮驪

黃比蹕路

天行帷幔張

太僕寺掌張家口外左右翼牧場均齊賞
罰之政乃諸牧場之一也凡扈從卿及少

卿奏請一人隨蹕豫備幔
城網城駝載索駝等一切事宜

帝澤巽申崇赤縣

臣曹秀先

農祥吉亥捧青箱

順天府即厯
代京尹近年

凡 特命大臣兼管以重其職
耕耨率僚屬從耕裏事
臚音傳陞鳴鞭應

儋贊催班佩玉鏘

鴻臚寺本出漢大鴻臚其所掌
引相朝儀與漢謁者臺唐宋閣

門宣贊
相近

宵雅肆官優厚餽

臣周

大昕鼓衆

幸膠庠

國子監為成均重地屢蒙
國橋觀聽者無不感激奮興

聖駕臨雍釋奠

奠學各助教等官分掌教士優給膏火廩
饋肄業期滿分別錄用規制最為周備

奠精勾

股弧三角術驗歐羅斗六匡

欽天監兼有周太史
馮相保章三職漢以

來為太史令專主算術天文

本朝時憲兼用西

洋算法

御製數理精蘊

欽定儀象考

成萬年書協紀辨方等書天體地平諸
儀推算精密考據詳審法實可垂永久

懸肘底須

求大藥

臣劉堉

折肱應許遇長桑

周有醫師秦漢有太醫令太醫監分

屬於少府太常今則自為一署置院使院判率其屬以供醫事焉

重臣參莞釐供

薄尚御鉤稽撤侍璫

周官玉府內府等職統之冢宰漢以後有少府寺殿中監

皆掌乘輿服御諸物自宋以後其職漸移於奄官

至明而流弊益甚國初罷十三監特置內務府

分設七司以經理內府諸政其總管無定員以

王公及滿洲文武大臣為之蓋即周官統於冢宰

之意而規制

尤為詳備云

阜服雄姿逢伯樂

臣王杰

御僕緣精義析蒙莊

上駟院掌馬匹駝隻以供御用當即國語所謂王馬如漢之太廐未

與家馬諸令丞唐之左右仗廐飛龍使及尚乘等官凡遇時巡於御馬內簡其尤良者以從又每歲秋獮行圓

預於春月驅馬至喀喇河屯牧養備用向曾有詩於卿
即職司調習御馬諸法臚舉詳駭昨歲山莊有上駟詩
辨及莊子僕緣上林兼飭農蠶務內府分司苑園場
詞義詳見按語苑掌苑園政職任亦如周官之掌舍掌次漢之水衡都
尉上林令丞之類其所屬有稻田場溉水四千畦供上
方玉粒凡京城內外河道橋牌均由苑經理董率蓄洩
又織染局供織絹匹所司農蠶水利衣食之原非僅古
之林丞
此也
勅
必
戎
裝
卿
武
備

簡儲

御械衛龍驤

武備院掌供

御用武備凡

御幄

職掌如漢尚方
考工諸令之職
舳舻漕轉來通潞
程結陳因實太

倉

倉場駐劄通州專管天下漕運輸納神倉寶漢以來大司農之職國家慎重天庾設滿漢

侍郎總督其事承以坐糧廳監督等官歲派御史巡查間復差大臣稽核諸務釐剔漕政肅清五

部分曹員畧具

臣謝墉

二京建尹秩相當

咸京為陪都重地

綜以五部侍郎董以京尹頗準神京之制而吏部則專統於京師學政則兼掌於府丞視明代留

京官制尤為斟酌盡善

義符集賽排辰直轄總勾陳列曜芒

國初以八旗將士平定海內選備隨侍宿衛統以領侍衛內大臣以先後宸御左右翊衛輪

直官禁職最親近若周官之宮正宮伯漢光祿勳領三署唐之十六衛元之四集賽諸職立

仗

瑤閣開詠蕩

臣阿肅鳴

鑾葩璫導飛翔

鑾儀衛若周中車大馭漢奉車都尉之職我朝設滿漢鑾儀使冠軍使雲麾

使治儀正整儀尉等官統以掌衛事內大臣一人職任尤重

專旗統率連衆佐

偏甲驍騰別正鑲

國家神武開基建旗辨色法良制善居則環衛周防出則折

衝禦侮每旗設都統一員副都統一員所屬有衆領佐領驍騎校等官我皇上教養八旗

恩意周渥所由磐石奠安臂指相使誠超越百代垂治萬年者矣

兩翼啟行先罕

畢

臣董誥

前茅選勁耀戈鉞

前鋒統領掌督率前鋒警蹕宿衛凡行幸

則於御營外安設千倫左右翼統領各一人或以王大臣兼領蓋如前代衛尉御營使之職所

屬有參領侍衛校長等官以時訓練定其黜陟營制最為詳善

紫垣鈴柝周廬禁黃褶橐鞬宿禦防

護軍統領掌督率護軍宿衛諸

門掌其禁令亦前代衛尉之職每旗統領一人督率訓練以時考驗所屬有參領護軍校等官凡

行在宿衛扈蹕以參領營總掌之重鎗九

門樞特給

步軍統領提督京營掌管門禁巡捕郊畿蓋兼有前代司隸校尉城門校尉執

金吾之職國家整飭綱維委任尤重惟親信重臣得蒙簡授臣福長安

御製五營萬旅備毋忘

步軍向設巡捕三營上年增為五營添設兵四千餘名所屬文職有

員外郎主事司務筆帖式等官武職有八旗翼尉協尉城門領副尉步軍尉等官五營各分設副將參將游擊

守備外委千把總各官並募民充當者
捕人役以伺察旗民法制益為周備
習勤火器河稱

玉大器營掌教演火器之政令以時訓練乾隆三十八
年移建西頂後之玉河岸邊別為一營以去城市遠

俾得專心講習其演放進步連環鎗法
有童而習之者技藝精熟為前代所無
登練雲梯山號

香建銳營習雲梯馬步射鳥鎗水戰駕船駛風之技乾
隆十四年於香山寶勝寺傍列營聚處隨時教演從

前平定西陲及兩金川屢經調
派出征最為勇敢均著勞績
御苑八旗惟守衛
雍正元年

設國明團八旗護軍營掌國明團翊衛之政
令周圍駐劄守衛以時訓練然不派兵隨團

獵圍三面詎披猖
三旗虎槍營總統一人總領六
人每旗虎槍二百人恭遇

聖駕時巡佩虎槍於侍衛前導若
行圍遇大
獸則列槍從之凡殺虎以首先刺虎人名奏

聞 疇咨慎簡封圻寄控制雄膺節鉞光

總督統轄文武其職

如魏晉之大都督隋唐之大行臺

國家慎重封圻例加兵部尚書及右都御史銜巡撫提督皆受

其節制所轄兩省惟直隸四川以總督兼巡撫事

我皇上整飭吏治督撫大吏簡用尤慎各省

奏請每至即蒙

批答並

廷寄諭旨隨事訓

示伏讀

御製久任詩誠諭諄諄詳益重其職任

而尤嚴其

七省調供資發運

臣曹文埴

五年輪免緩輸

考核云

將

漕運總督專司七省漕務所轄各省糧道及漕標將備衛所各官體制優隆不僅如前代水陸

發運使之職我

皇上惠愷覃敷普免天下漕糧二次間遇一方歉收每截漕以濟他省並每歲

分命巡漕御史稽查催

督漕務肅清經理實為盡善

牌排濟充疏宣暢壩

屹淮徐啟閉臧

河道總督二員分司南河東河運道隄防諸政蓋即前代河隄使者

之職而委任過之

皇上軫念河防凡五次

南巡閱視

親加指授修防宣洩各事宜所

屬道員諳習河務者每選

恩破格簡署總督蓋重其選也

開府望聯卿士月

臣達

中丞銜帶內臺霜

巡撫總理通省文武刑名錢穀諸政其名起於唐高

宗特遣大臣分道巡撫蓋即古監長連帥之任我

朝委任特隆例加兵部侍郎及右副都御史銜

職任與總督相埒

承宣

德意風行草屏翰方隅蔭在棠

布政使掌各直省財賦出納其職與宋諸道轉

運使提舉司為近凡屬員陞調

題補皆掌之有

事例得專摺奏

聞雖統於督撫實為方面大

員領袖

律準平反親部屋

臣錢

臬陳欽慎達巖廊

按

使為刑名總匯宋之諸道提刑是也凡屬員糾劾革審皆掌之其職級次于布政使而體制則同

會垣駐為監司重列郡巡看直指襄

糧儲鹽法兵備河庫茶馬

屯田及守巡道各司其職以佐藩臬而布其教令蓋即前代所謂監司也我皇上慎簡人材凡

道員奏署兩司者得具摺奏事藉以觀其才識亦重其倚任也

守出一麾稱自宋

知府督率所屬課農桑礪風俗平獄訟各有同知通判等官以佐之皇上澄叙官方尤重牧守

特命書知府以上名於簡任即蒙召對

御屏凡知府初膺訓誨周詳蓋知府

親臨屬縣賢否易知故重其選臣莊存與

御製沿獨奏朔諸唐

直隸州之職畧如知府每於州縣中記名特簡考唐渤海國鄆銅凍

三州為獨奏州不隸于府猶今直隸州也

州云牧以幅員廣縣曰令同師率

覆

知州知縣各治其土田戶口賦稅詞訟佐以丞簿等官國家首重親民牧令凡知州知縣由部選者均帶

領引見職任繁簡量缺酌調其由大計卓異及稍有勞績奉旨引見者每予記名擢用

佐貳孰無

長民責

各省司府首領等官各司職業分任差委其才具出衆著有勤勞者每蒙恩破格超擢亦任官

惟材之意

雜流亦取衆才量

州縣雜職有吏目典史驛丞巡檢等官外又有牌官倉庫稅課

大使或司一事或任差委他若各府州縣僧錄道錄等司及陰陽官醫官等亦掄選劄充俾各率其

徒以備
一職 白山黑水

留都壯幽邑豐原

寶運昌

盛京自順治初即以內大臣為總管統轄兩翼官兵後吉林黑龍江各置將軍與副都統等

分地鎮守陪京重寄屏翰攸
隆非親信大臣莫克膺斯任也江左專轅及閩粵

臣紀
荆南巨閫逮秦涼江寧福州廣州荊州西安
時

副都統一二員所屬有協領叅領城守尉
防守尉防禦等官統率滿兵各資保障軍臺控

馭柔藩部佛藏綏懷護法王
荒絕徽咸置官鎮守
國家威德遠被遐

如喀爾喀軍營烏里雅蘇臺庫倫西寧等處設定
邊左副將軍叅贊大臣駐劄大臣等員董其事西

藏亦命大臣駐守用以控馭撫綏示無外之威軌二萬里胥環戶閭臣

延我十千耦遍闢亭障西域拓地二萬餘里其準回

二部各設官置吏自伊犁將軍烏魯木齊都統以下或以大臣或侍衛官員輪番莅治視漢之都護

校尉規模益宏遠矣腹邊掄將聲聯絡水陸蒐兵陣頡頑提

總統綠旂明號令閱軍實以整飭營伍其山東山西河南江西等省以巡撫兼之總鎮指

麾趨列弁臣金士松協戎訓練勵同裳聽兵統轄鎮標有專閫之寄副

將分統協標咸率其屬而訓練之陸路水師各資未率遇有缺出請旨簡放以重職守遞

分勇爵援枹振並奮偏裨拔戟趨衆將游擊都司守備千總把總

各按營汛分防水陸互應形勢相資視前代規制
更為周密都司守備以上由督撫預保註冊兵部
照例擬陞其參遊等官多蒙
記名簡用慎重營伍立法詳善也 藻泮裁阿

文治盛

臣陸貴墀

御製松州榆塞教思彰

學政掌各省學校之政率教授學
正教諭訓導等官訓迪諸生即元

提舉學校之職國初設立各省學道雍正年間改為京
差適年於鎮西府承德府各建考棚設學額鄉試另編

字號取中以彰文教之盛固稱煮海佐國計應念腴膏致政傷

鹽政即巡

鹽御史浙江山西廣東福建等省皆督撫兼攝長蘆兩
淮多以內務府司員選充所屬有鹽運使運同運判大

使之屬惕鑒前明司內監

江寧蘇州杭州織造各一人以
內務府司員選用所屬有司庫

庫使筆帖式等官各司本職不得預干
地方事前明內監滋擾之弊為之肅清

織文異昔貢維揚

三處織造供尚衣

御用及
賞賚綺帛並新疆回部交易綢

緞皆發

帑造辦

貨通山澤兼防完稅薄關津總惠商

裁

朝各省關稅輕減多交將軍督撫委大員監收其
張家口等處用各部保送司員龍江游擊南北新
關交織造兼管淮關粵海關
用京員盡洗前明閹寺司權之弊
簡

十四等封繁

玉牒

臣陸
錫熊

二旬歲襲普銀潢

凡宗室封爵和碩親王世
子多羅郡王長子多羅貝

勒因山貝子鎮國公輔國公不入八分鎮國公不
入八分輔國公鎮國將軍輔國將軍奉國將軍奉
恩將軍共十四等其子俱以次降襲惟功封親王
郡王之子仍其父爵又親王至將軍除承襲父爵

外其餘應授封者俟年及二十試馬步射分別給予封爵
恩意備極周詳前勲世賞

延殊渥後嗣家傳保令望

公侯伯子男輕車都尉俱分三等及騎都尉雲

騎尉承襲次數均有差其授爵在順治九年
恩詔前及承恩公均世襲罔替又詔前

得封
詔後復以軍功加封至一等男以上亦世襲罔替其因陣亡授爵襲次已完者復蒙

皇上特恩仍令世襲恩
騎尉洵極酬庸八命上公承禮器
臣倪承寬

五經博士奉蕭鄉

國家重道隆儒起軼往代我皇上釋奠臨雍展謁

闕里禮意有加定制
先師孔子後裔衍聖公外有博士學正學錄共二人孔顏曾孟四氏有教授學錄各一人周公以下後裔授博士者二十五人又孔廟執事官三品至九品四十一人優禮聖賢

後裔
備至

寵加保傅寧輕授力効涓埃愧久敷

保傅加銜前代為公孤之職本朝

慎重名器不以輕授至宮銜之說以昭優眷
惟一二品大臣欽奉特恩者得邀殊榮其敷

歷中外宣力勤勞者身
後亦多蒙加賞

鴻誥叨榮階秩秩

臣童
鳳三

龍章錫類語煌煌

文職自光祿大夫至登仕佐郎凡十
八階武職自榮祿大夫至奮武郎凡

十三階皆
立制更為明備恭遇國家慶典錫類推恩其曾

祖父母以下皆視本任階銜封贈有
差凡誥勅制詞皆掌於內閣
鐵牌

訓勒嚴閣禁金鏡明操戒竈場

周官以閹人寺人內豎屬之冢宰聖人立制用

意深遠自漢置中常侍唐置內寺省厚加爵祿馴致亂階明代設立司禮太監假以秉筆之權太阿倒授凌轡政府若王振汪直曹吉祥劉瑾魏忠賢輩流弊接踵遂以亡明我世祖章皇帝定

鼎以來力懲前鑒於順治十二年

命立鐵

牌嚴切勒諭裁定內監員數但有犯法干政竊權納賄屬託內外衙門交結滿漢官員越分奏事及言官員賢否者立寘重典伏請聖訓凜然

永昭炯戒所置宮殿總管首領諸職賞給頂戴不過至四品而止但執門禁灑掃之役而皆統於內務府與周官之法實相脗合

制恭嚴我皇上祇奉

前謨防微杜漸

曩於御製全韻詩內諄諄垂訓洵足昭萬年家法也

長史徵名循護

從

臣王
懿修

御製具寮執事效趨蹌

親郡王以下置長史散騎郎護衛
典儀等官有差蓋即前代所稱國

也官舊新札薩官魚貫內外回番職雁行

蒙古部落內屬
者設官每旗札

薩克一人以汗王貝勒貝子公台吉等為之所屬都統
副都統叅領佐領驍騎校等官回部久經內屬者一如
蒙古設札薩克其餘各回城皆設伯克其秩以三品至
七品為差皆即以其部人為之至直省土官文則有土
通判知州知縣州判巡檢知事等官武則有指揮使宣
慰使安撫使宣撫使土守備千戶百戶千總把總等官
並許其承襲罔不震懼奉化恪守約束近年平定兩金
川命將軍攜帶各土司分年入覲與朝正外藩及年班
回部等同與朝賀宴賚俾
見我國家中外一家云

撫此羣臣贊予治一心惟勵

敬無違

職官表古無成編茲因辦理四庫全書俾館臣等綜核考鏡自經史及說部博採旁稽工下四

千餘年因沿改革一覽瞭然內外大小臣工思日贊襄予治其共凜然於天祿天職之艱庶幾靖共爾位無負

敬事後

食之誼

多羅質郡王臣永琰等奉

勅修纂歷代職官表全書告成謹奉

表恭

進者伏以

天祐命而樹之君式布亮工之典

聖建邦而分之職聿昭熙績之經自雲紀龍紀鳥紀火
紀以來代多因革惟汝翼汝為汝明汝聽之訓人
奉憲章蓋責實者必循其名而證今者貴求諸古

欽惟我

皇上

道脩君師

治臻巍煥

綵萬幾以兢業

浴百爾以弼諧慎乃憲省乃成一心正朝廷之本疇

若工咨若采六事秉綱紀之原緬我

朝叛制顯庸監往古而立極繫

列聖建官位事垂永世以重光八旗列而大告乎

武成三院興而肇敷乎

文治爰逮彌綸於六合實先澄叙夫九流凡貽諸奕世而
丕為承皆鑒於前代之所以失時庸惇叙而宗藩
鈴束之迹除奉揚

絲綸而中書票擬之獎革用人由

特簡而法不撓於廷推封事盡昌言而習不流於私訐
著會讞覆奏為定制而一洗殿衛之灼薰領七司

三院以重臣而患屏奄寺之竊弄至於典因時制
事不前承伯克宰桑合舊藩新部而僭爵祿火器
健銳並列營超隊以著旂常駐防則布在雄疆肅
如禁旅領直則置因延閣典重祕書其他內綱外
維率以遵王之道遵王之路小廉大法俾之罔有不
欽罔有不臧斯則凜

聖神之作述以勵庶官亶惟仰

睿智之照臨以迪允德

治既光於往古

訓實示乎周行乃者因畧錄之蒐羅卽班聯而尋汧猥

以

鉅製

命及諸臣采表體於遷固之編考命官自唐虞之冊累

代則相銜而下異同損益之畢陳分曹則就列以

班詳畧是非之互見或稱名惟舊而考聽多殊或

班爵由今而尋源不別或臚諸往牒而功令從茲

或徵自新銓而史策未脩莫不表諸典要觀其會
通上本六經旁參百氏繁則連牘簡或片言期於
準我

朝之美脩以等百王足使昭有位之歲規以

詔後世發凡起例早欽體要之

親宣正舛訂譌復荷精微之頻

示迭更寒燠載藏簡編粵稽書載官儀叛由應劭迨六
典百司之作遞有鋪張越具員分紀之編非無纂

述集賢承旨每偏舉其頭銜官制職林或拘限於
時代惟樂安任職民頗及沿革之大凡而官品纂
要書未毀古今之詳備方斯

秘帙譬若椎輪蓋惟

聖人著作之大成永為萬古臣鄰之極則豈徒誇其博
綜軼彼類林而已哉臣等忝預編摩竊慚蕪陋稽
古即所以奉職恒虞鉛槧多踈顧名因藉以誦
箴敢不冰淵共凜樹三宅三俊之範

數文命以裕無疆宏五服五章之謨際

昌期而瞻有耀

臣

等無任瞻

天仰

聖踴躍欣抃之至謹奉

表恭

進以

聞

辦理歷代職官表諸臣職名

正總裁

皇六子多羅質郡王臣永琮

皇八子多羅儀郡王臣永璇

皇十子臣永理

經筵日講起居注官太子太保卿前大臣議政大臣領侍衛內大臣武英殿大學士文淵閣臣

領閣事管兵部刑部戶部三庫事翰林院掌院學士教習庶堂二庫拔萃堂公阿桂

原任經筵講官太子太保東閣大學士兼刑部尚書總管內務府大臣臣英廣

經筵日講起居注官太子太保文淵閣大學士兼吏部臣

尚書文淵閣領閣事翰林院掌院學士教習庶吉士嵇璜

經筵講官太子太保 卿前大臣議政大臣領侍衛內大臣 文華殿大學士

士 文淵閣提舉閣事管吏部戶部理藩院事總管內務府大臣世襲一等男

和 珅

原任太子太保 卿前大臣議政大臣領侍衛內大臣兵部尚書臣

兼管工部內務府總管 文淵閣提舉閣事一等忠勇公和碩額駙

福 隆 安

副總裁

經筵講官太子少傅東閣大學士兼戶部尚書

臣

梁國治

經筵講官戶部侍郎今任戶部尚書兼管順天府府尹

臣

曹文植

經筵講官吏部侍郎今任禮部尚書

臣

彭元瑞

經筵講官吏部侍郎今任兵部尚書

臣

王 杰

戶部侍郎今任工部尚書總管內務府大臣

臣

金 簡

經筵講官戶部侍郎臣董誥

原任經筵講官

文淵閣直閣事詹事府少詹事續任禮部侍郎臣

陸費墀

兵部侍郎今任江蘇學政臣沈初

續纂

文淵閣直閣事兵部侍郎今任都察院左都御史臣紀昀

文淵閣直閣事大理寺卿今任光祿寺卿福建學政臣陸錫熊

太常寺少卿今任兩廣總督臣孫士毅

總校

原任經筵講官 文淵閣直閣事詹事府少詹事續任禮部侍郎 臣 陸費墀

提調

日講起居注官 文淵閣校理翰林院侍講學士今任翰林院侍讀 臣 德 昌

文淵閣校理翰林院編修今任京畿道監察御史 臣 百 齡

軍機處行走刑部郎中 臣 范 鰲

原任軍機處行走工部郎中 臣 蔣謝庭

纂修

翰林院庶吉士今任翰林院編修 臣 馮集梧

內閣中書今任宗人府主事臣鮑之鍾

內閣中書臣顧宗泰

臣沈叔埏

臣周有聲

進士今任內閣中書臣柴模

臣吳樹萱

進士今候補內閣中書臣張經田

進士今候補知縣臣范雲

收掌

原任翰林院筆帖式臣約宗武

翰林院筆帖式臣兆顯

臣赫倫泰

臣朝樂

欽定四庫全書

欽定歷代職官表目錄

卷一

宗人府

卷二

內閣中

卷三

內閣中

卷四

內閣下

卷五

吏部

卷六

戶部

卷七

戶部三庫

卷八

戶部倉場衙門

卷九

禮部

卷十

樂部

卷十一

禮部會同四譯館

卷十二

兵部

卷十三

刑部

卷十四

工部上

卷十五

工部下

卷十六

戶工二部錢局

卷十七

理藩院

卷十八

都察院上

卷十九

都察院下

卷二十

五城

卷二十一

通政使司

卷二十二

大理寺

卷二十三

翰林院

卷二十四

經筵日講起居注官

卷二十五

文淵閣閣職

卷二十六

詹事府

卷二十七

太常寺

卷二十八

壇

廟各官

卷二十九

陵寢各官

卷三十

光祿寺

卷三十一

太僕寺

卷三十二

順天府

卷三十三

鴻臚寺

卷三十四

國子監

卷三十五

欽天監

卷三十六

太醫院

卷三十七

內務府上

卷三十八

內務府下
太監職制附

卷三十九

內務府上駟院

卷四十

內務府奉宸苑

卷四十一

內務府武備院

卷四十二

鑾儀衛

卷四十三

領侍衛內大臣

卷四十四

八旗都統

卷四十五

前鋒護軍統領

卷四十六

步軍統領

卷四十七

火器健銳虎鎗各營

卷四十八

盛京將軍等官

卷四十九

盛京五部等官

卷五十

總督巡撫

卷五十一

學政

卷五十二

司道

卷五十三

知府直隸州知州等官

醫學陰陽學等官附

卷五十四

知州知縣等官

卷五十五

各省駐防將軍

卷五十六

提督

卷五十七

總兵副將

卷五十八

叅將遊擊等官

卷五十九

河道各官

卷六十

漕運各官

卷六十一

鹽政

卷六十二

關稅各差

卷六十三

各處駐劄大臣

卷六十四

宗室封爵

卷六十五

世爵世職

卷六十六

聖賢後裔

卷六十七

師傅保加銜

卷六十八

文武官階

卷六十九

王府各官

公主府官附

卷七十

新疆各官

卷七十一

藩屬各官

卷七十二

土司各官

臣等謹按歷代職官表七十二卷乾隆四十五年奉

勅撰按卷進呈具經

欽定粵自龍鳥水火肇建官名然夏商以前書
缺有間遺制不盡可考其可考者唯周禮

為最詳迨秦漢內設九卿外置列郡而官制
一變東京以後事歸臺閣雖分置尚書六
部而政在中書其權獨重漢魏之制至唐
宋而又一變明太祖廢中書省罷丞相盡
歸其職于六部永樂間復設內閣而參以
七卿唐宋之制至是而又一變矣其間名號
品數改革紛繁大抵勢足以相維則乾綱不
失權有所偏屬則魁柄必移即官政之得失

可以知朝政之盛衰也哉

國家稽古建官循名核實因革損益時措咸宜
我

皇上朗照無私

權衡獨秉舉直錯枉宮府肅清尤從來史冊所未
有復念歷朝官制典籍俱存宜備溯源流明
其利弊庶前規可鑑法戒益昭乃

特命四庫全書館總纂官內閣學士令陞兵部右

侍郎

臣

紀昀光祿寺卿今陞大理寺卿

臣陸

錫熊翰林院編修今陞山東布政使

臣

孫士

毅總校官詹事府少詹事今陞內閣學士

臣陸

費曄等考証排次輯綴是編分目悉準

今制凡長貳僚屬具列焉明綱紀也其兼官無正

員而所掌綦重如軍機處之類亦別有專表

崇職守也八旗及新疆爵秩前所未有者並詳

加臚考著

聖代之初建遠邁邃古也或古有而今無或先置而後廢並為採掇別附于篇備參訂也每門各冠以表表後詳敘建置首列

國朝畧如唐六典之例次以歷代則節引諸書各附案語以疏證其異同上下數千年分職率屬之制元元本本罔弗具焉考將相及百官公卿之有表始自班馬二史後如唐書之宰相表宋史之宰輔表明史之內閣七卿表具沿

其例然所紀僅拜罷年月與官制無關且斷
代為書不相通貫尋檢頗難至抄撮故實如
孫逢吉職官分紀之類又但供詞藻於實政無
裨是書發凡起例悉稟

睿裁包括古今貫串始末旁行斜上援古證今經
緯分明參稽詳密不獨昭垂奕禩為董正之
鴻模即百爾臣工各明厥職用以顧名而思義
亦益當知所儆勗矣乾隆五十四年正月恭校上

總纂官臣紀昀臣陸錫熊臣孫士毅

總校官臣陸費墀

宗人府

國朝官制

宗令一人左右宗正各一人左右宗人各一人

並順治九年置掌

皇族之屬籍以時修輯

玉牒辨昭穆序爵祿均其惠養而布之教令凡親疎之屬

胥受治焉初制宗令以親王郡王統理宗正以貝

勒貝子兼攝宗人以鎮國輔國公及將軍兼攝後

擇賢任使不復以封爵為限

府丞漢人一人

正三品

順治九年置掌校理漢文冊籍初制有覺羅啟心

郎二員漢軍啟心郎二員與府丞均為正官康熙

十二年裁啟心郎惟設府丞一員

左右司理事官宗室各二人

初制三品後改為四品康熙二十二年定為正五品

副理事官宗室各二人

初制從四品康熙二十二年定為從五品

分掌左右翼覺羅之籍並書其子女適庶生卒婚

嫁官爵名謚以備

玉牒紀載凡承襲次序秩俸等差及養給貧幼優恤婚喪之事時為稽核綜理焉初設郎中六員員外郎四員主事四員康熙十二年始分隸左右兩司三十八年兩司各裁郎中一員雍正二年改郎中為理事官改員外郎為副理事官惟主事仍舊名初制皆以覺羅為之後以覺羅滿洲參用雍正二年定以宗室滿洲參用乾隆二十九年准府丞儲麟趾

奏定理事官以下筆帖式以上悉以宗室為之

經歷宗室二人

正六品

順治九年置掌出納文書初制經歷三員其二員

叅用宗室滿洲一員用漢人康熙三十八年裁漢

經歷一員乾隆二十九年定制以宗室為之

堂主事宗室二人

初制四品康熙九年定為正六品

漢人二人

正六品

堂主事順治九年置二人掌奏疏稿案初制以宗

室滿洲叅用乾隆二十九年定制以宗室為之漢

人主事雍正元年增置掌漢文冊籍

筆帖式宗室二十四人

並支七品俸

順治九年置掌諸譯文書初制以宗室滿洲參用
乾隆二十九年定制以宗室為之

歷代建置

三代

周禮春官小宗伯掌三族之別以辨親疎其正室

皆謂之門子掌其政令

鄭康成注三族謂父子孫人屬之正記曰親親以三

為五以五為九正室適子將代父當門者也政令謂役守之事

謹案漢書百官表宗正注應劭曰周成王時彤伯入為宗正師古註云彤伯為宗伯不謂之宗正但考初學記玉海引宋百官春秋曰周受命封建宗盟始選其宗室之長而董正之謂之宗正成王時彤伯入為宗正掌王親屬是也據此諸書皆以為周有宗正師古雖謂彤伯不為宗正而未嘗謂周無宗正也玉海引逸周書嘗麥

篇太祝以王命作筴筴告宗正則周有宗正其
證又在漢百官表注及宋百官春秋之前惟不
見經典正文故不列於表至周禮小宗伯掌三
族之別實與今宗正職掌相符故玉海於宗正
一官引此為証考魏風殊異乎公族鄭箋云公
族主君同姓昭穆又考魯語曰宗室之謀不過
宗人韋昭注謂此宗人則上宗官也亦用同姓
若漢宗正用諸劉矣夫侯國尚有公族之官况

天子乎王應麟謂燕義周天子有庶子官即今之宗正惠士奇謂周禮諸子即春秋之公族大夫然儀禮燕禮注云庶子世子之官而夏官諸子掌國子之倅亦不專掌公族之子弟與今宗正職未為盡合今姑取小宗伯所掌列之於表而玉海所引嘗麥篇宗正之名亦附著於此焉

秦

杜佑通典秦置宗正掌親屬

王應麟玉海秦始皇以宗正列九卿掌親屬而宗廟之事屬之奉常

漢

漢書百官公卿表宗正秦官掌親屬有丞平帝元

始四年更名宗伯屬官有都司空令丞

如淳曰律司空主水

及罪人

內官長丞又諸公主家令門尉皆屬焉王莽

并其官於秩宗初內官屬少府中屬主爵後屬宗

正

金定四庫全書
卷一
漢書高帝紀七年置宗正官以序九族

荀悅漢紀宗正掌視親屬官

唐六典漢宗正之官不以他族楚元王子郢客辟
疆德等遞為之

謹案都司空令丞如淳註稱主罪人蓋治獄之
官今宗室覺羅有犯雖宗人府主其罰然無專
官故都司空等不列於表至內官長丞兼治掖
庭公主家令門尉兼治戚里皆以事相關涉故

使兼隸非宗正所屬之正官故亦不列於表又
通典載元始元年於郡國置宗師以糾皇室親
族世氏致教訓焉選有德義者為之有寃失職
者宗師得應郵亭上書宗伯請以聞註曰為書
付郵亭令
送至宗伯蓋其時諸王各就國故各設官以統之其
制亦今之所無謹附載其名於此

古今攷東萊大事紀高帝七年書置宗正官以序
九族高帝表無其人高帝紀七年二月書自櫟陽

徙都長安置宗正官以叙九族表高后二年始見
除劉郢客當是史失初姓

謹案高帝七年雖置宗正而未命其人故表不
載表既詳於高后二年安得於高帝七年遂失
姓名乎

玉海高后二年上郢侯郢客景元二年平陸侯禮
三年德侯通元狩四年沈猷侯受為宗正坐聽請
不具宗室論始元二年光祿大夫辟疆元鳳元年

大中大夫德初元元年諫大夫更生竟寧元年陽
城侯慶忌元始元年宗正容更為宗伯永平三年
劉平建初二年般永元十三年愷為宗正建初中

劉軼為宗正遂世掌焉

矩寵佑

謹案玉海此條蓋統括百官表而間有脫遺如
百官表載元朔四年劉棄元鼎四年劉安國五
鳳二年劉丁承光四年劉臨始元三年劉通河
平三年劉順陽朔元年劉武成鴻嘉元年劉慶

忌永始三年劉它人建平四年劉容皆表具而
玉海失載者也

玉海周諸子掌戒令教法至於辨世繫辨昭穆則
掌之小史漢宗正徒掌屬籍而教養之法未聞

謹案玉海謂漢宗正徒掌屬籍而教養之法未
聞然攷楊雄宗正箴曰巍巍帝堯欽親九族禮
有攸訓屬有攸籍既云禮有攸訓則兼教養之
法矣後漢書劉般為宗正在位數言政事其收

恤九族行義尤著收恤九族即宗正之教養也
前漢紀公卿議遣宗正治衡山王又遣宗正問
江都王則宗正所綜理者多矣王應麟謂漢宗
正即周之諸子諸子既為政於公族宗正安得
不掌教養之政乎如以為徒掌屬籍則非也

唐六典光武復置宗正

後漢書百官志宗正卿一人中二千石掌序錄王
國嫡庶之次及諸宗室親屬遠近郡國歲因計上

宗室名籍若有犯法當髡以上先上諸宗正宗正

以聞乃報決

胡廣曰又歲一治諸王世譜差序秩第漢官儀曰官吏四十一人其六人

四科一人二百石四人百石三人佐六人
騎吏二人法家十八人學事一人官醫

丞一人

比千石諸公主每主家令一人六百石丞一人三

百石其餘屬吏增減無常

漢書曰主簿一人秩六百石僕一人秩六百石

私府長一人秩六百石家丞一人三百石直吏三人從官一人東觀書曰其主薨無子置傳一人守

其家中興省都司空令丞

通典宗正兩漢皆以皇族為之不以他族

謝維新合璧事類通鑑分紀曰漢宗正丞用皇族

魏

三國魏志建安二十一年始置宗正之官

唐六典宗正卿魏亦以宗正居之

晉

徐堅初學記晉曰大宗正

晉書職官志宗正統皇族宗人譜牒又統太醫令史又

有司牧掾員及渡江哀帝省并太常太醫以給門下省

謹案太醫司牧蓋皆所兼隸之雜流今各有所隸故不列於表

通典晉兼以庶姓

山公啟事曰羊祜忠篤寬厚然不長理劇宗正卿缺不審可轉

作

否咸寧三年又置宗師以扶風王亮為之使皇室

戚屬奉率德義所有施行必令誥之

謹案宗師之名同於漢制而職位尊卑則迥殊
晉書百官志不載但考晉書扶風王亮為宗師
梁王彤亦為宗師彭城王領太宗師晉之為宗

師者不一其人則有經制之額可知通典明云
咸寧三年置宗師玉海謂東晉始省而百官志
不載亦史氏之闕也

宋齊梁陳

唐六典宋齊並不置梁天監七年乃置焉宗正春
卿位視列曹尚書皆以宗室為之班第十二陳因
之

隋書百官志梁置宗正卿位視列曹尚書主皇室

外戚之籍以宗室為之

初學記梁加卿字除大字曰宗正卿

謹案隸續載漢中山相薛君成平侯劉君斷碑

有云巴郡太守宗正卿

下闕釋云百官志太傳上

公一人太尉公一人太常卿一人蓋史氏用周

官之法紀傳所書居三九之官皆不書以公卿

字惟孔廟碑稱吳雄為司徒公趙戒為司空公

衡方碑題云衛尉卿與此碑所題宗正卿乃遣

詞揮翰者益之後世以卿名其官則自蕭梁始
今考初學記引五代史百官志云至梁加卿字
除大字曰宗正卿與洪氏之說可以相證

北魏

北魏書官氏志有宗正太和中初置少卿
洛陽伽藍記國子南有宗正寺

唐六典後魏亦曰宗正卿

通典後魏有宗正卿少卿

太平御覽後魏職令曰宗正卿第四品上第三

北齊

隋書百官志後齊有大宗正寺掌宗室屬籍統皇

子王國諸王國諸長公主家

後周

通典後周有宗師中大夫

掌皇族定世系辨昭穆訓以孝悌

屬大

冢宰

隋

隋書百官志隋置宗正卿少卿各一人丞二人主

簿二人錄事二人

初學記北齊又加大字隋又徐之

唐

舊唐書職官志宗正寺卿一員從三品上少卿二員從四

品上丞二人從六品上主簿一人從七品上錄事一人從九品上府

五人史九人亭長四人掌固四人卿之職掌九族

六親之屬籍以別昭穆之序并領崇元署少卿為

之貳九廟之子孫繼統為宗餘曰族凡大祭祀及冊命朝會之禮皇親諸親應陪位預會者則為之簿書以申司封若皇親為三公子孫應襲封者亦如之丞掌判寺事主簿掌印勾檢稽失錄事掌受事發辰

新唐書百官志宗正寺卿一人少卿二人丞二人掌天子族親屬籍以別昭穆領陵臺宗元二署凡親有五等先定於司封主簿二人知圖譜官二人

修玉牒官一人知宗子表疏官一人錄事一人

謹案宗正卿所屬新舊唐書所載微有不同志
不詳建置年月其孰為舊制孰為改制已不可
知今並存以資考核又新唐志稱宗正寺領陵
臺宗元二署其陵臺署諸陵臺令各一人丞各
一人建初啟運興寧永康陵令各一人丞各一
人掌守衛山陵諸太子廟令各一人丞各一人
錄事各一人掌灑掃開闔之節四時享祭事諸

太子陵令各一人丞各一人錄事各一人舊唐志不載蓋後又改隸今其職並隸禮部太常寺故不列於宗人府建置之中其崇元署令一人丞一人府二人史三人典事六人掌固二人掌京都諸觀名數與道士帳籍齋醮之事新羅日本僧入朝學問九年不還者編諸籍道士女冠僧尼見天子必拜每三歲州縣為籍一以留縣一以留州僧尼一以上祠部道士女冠一以上

宗正一以上司封其制尤為謬戾馬端臨文獻

通考曰崇元署一官唐創之以司道教而必屬

之宗正司者蓋唐以老氏為始祖則崇其教者

亦以為尊祖宗之事也云云今考唐景龍三年

法琬法師碑稱法琬為中宗之三從姑開元十

七年興唐寺主居法澄塔銘稱彭王嗣暕女家

多羅

案家多羅原石刻誤作彌多羅今改正

出家為法澄弟子資

治通鑑稱景雲元年十二月上以二女西城隆

昌二公主為女冠以資天皇太后之福其他見於史傳者不一則崇元署所謂掌諸觀名數者常即指入道之宗屬因而連及所統寺觀之道士因而連及於天下道士亦隸宗正寺耳此一時之秕政前無師承後無沿襲殊非官制之正今削之不錄而附載其名於此焉

唐六典宗正卿掌皇九族六族之屬籍以別昭穆之序紀親疎之列并領崇元署少卿為之貳

謹案唐會要永徽二年九月二十一日問宗正卿李博人曰諸親有除屬者曰屬疎故除總三百餘人上曰服屬雖疎理不可降宜依舊編入屬籍天寶元年七月二十三日詔涼武昭王四公子孫並編入屬籍唐會要此條可為宗正屬籍規式惟是李勣賜姓亦附宗正屬籍則唐宗正所掌遂及異姓未足為法也

太平御覽唐書官品志曰

按太平御覽所引唐書官品志甚多與新書百

官志互異
乃別一書

宗正卿位視列曹尚書以宗室為之

合璧事類職林曰開元三十五年制宗正寺官屬
皆以皇族為之

謹案職林又載唐武德置宗師龍朔改曰司宗
光宅為司屬後復故掌皇族外戚簿籍及邑司
名帳領諸陵太廟其名沿漢晉宗師之舊而職
掌又異今無此官故不列於表

五季

舊五代史梁有宗正卿

孫逢吉職官分紀後唐同光元年置宗正大卿

五代會要周顯德五年閏七月宗正寺准奉勅節
文刑集現行公事送中書門下

謹案王溥此文知周亦名宗正寺然所列現行
公事稱見管齋郎室長逐季候大饗捧饌行禮
及出給每年行事厯子見管禮料庫收貯諸司
納到諸壇廟祠祭禮料逐月給付逐季太廟并

別廟祠祭祀版當寺於少府監請領送秘書省
書寫畢却將應奉祠祭候年滿則將齋郎堂室
長於每年八月印發文字解送赴南曹云云蓋
其時兼領祭祀也

宋

宋史職官志宗正寺卿少卿丞主簿各一人卿掌
叙宗派屬籍以別昭穆而定其親疎少卿為之貳
丞叅領之宋初舊制置判寺事二人以宗姓兩制

以上充闕則以宗姓朝官以上知承事掌奉諸廟
諸陵薦享之事司皇族之籍主簿一員以京官充
元豐官制行詔宗正長貳不專用國姓蓋自有大
宗正司以統皇族也渡江後卿不常置少卿一人
以太常兼紹興三年復置少卿一人五年復置丞
十年置主簿嘉定九年詔以宗學改隸宗正司自
此寺官又與校試之事太宗正司景祐三年始置
司以皇兄寧江軍節度使濮王知大宗正司事皇

姪彰化軍節度使觀察留後守節同知大宗正事
元豐正名仍置知及同知官各一人選宗室團練
觀察使以上有德望者充丞二人以文臣京朝官
以上充掌糾合族藩而訓之以德行道藝受其詞
訟而糾正其愆違有罪則先劾以聞法例不能決
者同上殿取裁歲錄存亡之數報宗正寺凡宗室
服屬遠近之數及其賞罰規式皆總之官屬有記
室一人掌牋奏講書教授十有二人分位講授兼

領小學之事舊制擇宗室賢者為知大宗正事次一人為同知其後位高屬尊者為判熙寧三年始以異姓朝臣二員知丞事置局為睦親廣賢宅崇寧三年置南外宗正司於南京西外宗正司於西京各置敦宗院仍詔各擇宗室之賢者一人為知宗掌外居宗室詔復定宗學博士正錄員數玉牒所淳化六年始設局置官詔以皇宋玉牒為名建玉牒殿以知制誥劉筠夏竦為修玉牒官自後置

一員或二員元豐官制行分隸宗正寺官寺丞王
鞏奏玉牒十年一進並以學士典領南渡後紹興
十二年始進玉牒所提舉一人或二人以宰相執
政為之以侍從官一人兼修宗正卿少卿而下同修
纂

李心傳建炎以來朝野雜記知大宗正事仁宗始
置用太祖太宗之後屬近行尊者各一人

職官分紀玉牒所熙寧三年於三班院置局後徙

編修院

謹案宋制掌皇族之政者有宗正寺有大宗正司有宗學有玉牒所有外宗正司宗正寺掌別屬籍之親疎大宗正司掌訓導宗子而司其賞罰觀其歲錄存亡之數報宗正寺則截然分掌可知今制併而一之故表中二職並列其宗學之制與今畧同然今制稽察宗學為王公大臣所兼攝其教習亦不載於官制故不列於表至

玉牒所古有常職今則十年恭修一次其總裁纂修諸官由他職兼領事竣則撤其館法例迥異故亦不列於表若其外宗正司則與漢時宗師之制同故併不錄焉

陸游老學菴筆記宗正卿少卿祖宗因唐故事必以國姓為之然不必宗室也元豐中始兼用庶姓而知大宗正事始於濮安懿王始權任甚重後頗鐫損云

葉夢得石林燕語唐宗正卿皆以皇族為之本朝
踵唐故事而止命同姓慶厯初始置大宗正司以
北海郡王允弼為知大宗正事其後相承皆以宗
室領治平元年英宗以宗數倍多於前乃命增置
同知大宗正司一員亦以懷州團練使宗惠為之
迄今以為故事熙寧三年復置丞二員以命外官
玉海開寶六年正月以千牛衛將軍趙崇濟為宗
正寺少卿景德二年命趙湘趙禎同判宗正寺祥

符九年趙安仁兼鄉世長知寺事二月王旦請命
丞郎以上兼鄉給舍以下兼少卿郎中以上兼丞
京官兼主簿以為永制天禧元年趙鼎為主簿慶
曆四年七月辛巳趙槩判宗正寺元豐六年九月

十一日詔除長貳外自今不專用國姓

志大宗正司統皇族

故寺長貳不專用國姓分案二設吏六

建炎三年四月省

以常少兼

紹興

二年十二月復置少卿四年以命范冲景祐三年

丙子七月十九日乙未初置大宗正司以寧江節

度濮王知大宗正事彰化軍留後守節同知大宗
正事時諸王子孫衆多聚居大第故於祖宗後各
擇一人使司訓導糾違失凡宗族政令皆掌之奏
事毋得先達先委詳酌而後聞八月庚戌知大宗
正事請宗室每朝罷各就聽讀從之寶元二年七
月二十一日允弼同知大宗正事至和二年六月
戊子朔增允良同知未幾罷九月以知大宗正濮
王為判同知允弼為同判治平元年六月丁未十

三日增置同知大宗正事一員以宗惠為之熙寧
三年二月丙寅詔大宗正司置丞二人以張稚圭
李德芻為之上曰或言丞不用庶姓王安石錄春
秋公族大夫等事以進元豐之制以宗室團練以
上有德望者為長而一人貳之若位高屬尊則為
判志元豐五年二月十五日宗惠封江夏郡王知大宗正徽宗時仲忽判大
宗正嘉定以嗣秀王兼總大宗正

謹案玉海此條可與宋職官志詳畧互證考石

林燕語謂慶厯初始置太宗正司玉海謂景祐三年七月十九日乙未初置太宗正司確有月日可證石林燕語之誤宋職官志與玉海同

遼

契丹國志特哩袞

原本作惕
隱今改正

宗正寺也

遼史百官志大特哩袞司太祖置掌皇族之政教興宗重熙二十二年耶律義先拜特哩袞戒族人曰國家三父房最屬貴族凡天下風化之所自出

不孝不義雖小不可為其妻晉國長公主之女每
見中表必具禮服義先以身率先國俗化之遼國
設官之實於此可見太祖有國首設此官其後百
官擇人必先宗姓特哩袞亦曰德爾吉

原本作梯
里已今改

正知特哩袞司事特哩袞司事南面官宗正司職
在大特哩袞司

金

金史百官志太宗正府泰和六年避睿宗諱改為

大睦親府判大宗正事一員從一品皇族中屬親
者充掌敦睦糾率宗屬欽奉王命泰和六年改為
判大睦親事同判大宗正事一員從二品泰和六
年改為同判大睦親事同簽大宗正一員正三品
以宗室充大定元年置泰和六年改為同簽大睦親事
大宗正丞二員從四品一員於宗室中選能幹者
充一員不限親疎分司上京長貳兼管治臨潢以
東六司屬泰和六年改為大睦親丞知事一員從

七品檢法從八品諸宗室將軍正七品上京東烏

塔

原本作溫
武今改正

二處皆有之世宗時始命遷官其戶

凡百二十明昌二年更名四司局設令丞承安二

年以令同隨朝司令正七品丞正八品中都上京

哲爾袞

原本作扎里
瓜今改正

合右西南梅望寨扶餘

原本
作蒲

與今
改正臨潢泰州金山等處置屬大宗正府

大金國志天會十三年太宗正府置判同簽書事

謹案金太宗正府史但載明昌六年之更名而

未著置於何年宇文懋昭大金國志書雖偽託

然亦雜採諸家記載而成必有所據觀其稱置

判同簽書事在太宗十三年乙卯

是年熙宗即位乃稱天會

十三年則自金初有之矣故並存其說以補史之

闕焉

元

元史百官志太宗正府秩從一品國初未有官制

首置斷事官曰扎爾呼齊

原本作扎魯忽赤今改正

會決庶務

凡諸王駙馬投下蒙古色目人等應犯一切公事
及漢人姦盜詐偽蠱毒厭魅誘掠逃驅輕罪重囚
及邊遠出征官吏每歲從駕分司上都存留住冬
諸事悉掌之至元二年置十員三年置八員九年
降從一品銀印至理蒙古公事以諸王為府長餘
悉御位下及諸王之有國者又有集賽

原本作怯
薛今改正

人員奉旨署事別無頒受宣命十四年置十四員
十五年置十三員二十一年置二十一員二十二

年增至三十四員二十八員增至四十六員大德
四年省五員十一年省十一員皇慶元年省二員
以漢人刑名歸刑部泰定元年復命兼理置扎爾
呼齊四十二員令史改為掾史致和元年以上都
大都所屬蒙古人并集賽軍站色目與漢人相犯
者歸宗正府處斷其餘路府州縣漢人蒙古色目
詞訟悉歸有司刑部掌管正官扎爾呼齊四十二
員從一品郎中一員從五品員外郎二員從六品

都事二員從七品承發架閣庫管勾一員從八品

掾史十人蒙古筆且齊

原本作必閣
赤今改正

十三人通事

知印各三人宣使十人蒙古書寫一人典史三人

庫子一人醫人一人司獄一人

謹案元太宗正府扎爾呼齊兼治一切刑政非

掌皇族之專官續文獻通考至元二十二年哈

喇哈斯

原作哈喇哈
孫今改正

由掌宿衛拜太宗正用法

平允時欲以江南獄隸宗正哈喇哈斯曰江南

新附教令未孚且相去數千里欲遙制其刑獄
得無寃乎遂止則元初宗正寺且遙領諸路刑
政矣蓋其時分農土統部帳者大抵皆皇族國
戚故獄訟案牘率關涉於宗正府而治其事者
從一品之大臣多至三四十人也迨後天下大
定乃以內事還之刑部外事還之路府州縣耳
其官雖與宗正有殊其所秩亦與宗正稍異然
其名則沿宗正之舊故併列於表以存一代之

制至四十二員秩皆從一品雖然治事勢必不行意其必區以長貳或分以曹司但史文簡畧不可復詳以皆大宗正府之長故列表於宗令之下而附著其變例之由焉

明

明史職官志宗人府宗人令一人左右宗正各一人左右宗人各一人並正一品掌皇九族之屬籍以時修其玉牒書宗室子之適庶名封嗣襲生卒婚嫁

謚葬之事凡宗室陳請為聞於上選材能錄罪過

初洪武三年置大宗正院二十二年改為宗人府

並以親王領之

秦王棣為令晉王桐燕王棣為左
右宗正周王橐楚王楨為左右宗

人其後以勲戚大臣攝府事不備官而所領亦盡

移之禮部其屬經歷司經歷一人

正五品

典出納文

移

謹案明史職官志尚載有南京宗人府經歷司

經歷一員而無宗令等官考明會典永樂十八

年改洪武中所置宗人府為南京宗人府不復
降印惟改降經歷司印與南京各衙門行移蓋
姑以備陪京之制與元之上京分司名為別署
實即正員者迴殊故今削之不錄僅附存於此

欽定歷代職官表卷一